



Broj: 02/1- 1671 /16
Datum: 08.06. 2016. godine

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), člana 2. tačka f) i 4. Rješenja o imenovanju Komisija za nabavke za 2016. godinu broj: 02/1-156/16 od 14.01.2016. godine, na Preporuku Komisije za javnu nabavku konstatovane u Zapisniku o pregledu i ocjeni ponuda, broj: 08/5-14-1053-1/16 od 07.04.2016. godine, u postupku javne nabavke – rad mehanizacije i nabavka materijala za uređenje korita i poduzimanje palijativnih mjera na klizištima, Općinski načelnik kao ugovorni organ, donosi

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 08/5-14-1053-1/16 od 07.04.2016. godine, i ugovor za javnu nabavku – „Rad mehanizacije i nabavka materijala za uređenje korita i poduzimanje palijativnih mjera na klizištima“, dodjeljuje se ponuđaču „**Beta - company**“ d.o.o. **Kakanj**, ponuda broj: 1-4/2016., za ponuđenu cijenu od **17.200,00 KM bez PDV-a**, kao najbolje ocijenjenom ponuđaču. (Cijena ponude sa uračunatim PDV-om je 20.124,00 KM).

Član 2.

Prijedlog ugovora o nabavci dostavit će se na potpis izabranom ponuđaču „Beta - company“ d.o.o. Kakanj po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Služba civilne zaštite i Komisija za javne nabavke, Općine Kakanj.

Član 4.

Ova odluka objavit će se na web-stranici Općine Kakanj, (www.kakanj.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02/1-1191/16 od 15.03.2016. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 22.097,91 KM.

Obavještenje o nabavci na Portalu javnih nabavki, broj: 792-7-3-7-3-3/16 od 22.03.2016. godine.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabavki): „DEELA“ d.o.o. Kakanj, „TRGOŠPED“ d.o.o. Kakanj i „DNE“ d.o.o. Kakanj.

Komisija za javnu nabavku je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda četiri,
- da su blagovremeno zaprimljene sve ponude,
- da su ponude ponuđača: „DEELA“ d.o.o. Kakanj, „Trgošped“ d.o.o. Kakanj, „Beta - company“ d.o.o. Kakanj i „DNE“ d.o.o. Kakanj. prihvatljive.

U skladu sa članom 67. Zakona o javnim nabavkama („Službeni glasnik BiH“, broj 39/14), članom 1. Odluke o obaveznoj primjeni preferencijalnog tretmana domaćeg („Službeni glasnik BiH, broj: 103/14), Komisija konstatuje da su ponuđači: „Trgošped“ d.o.o Kakanj, „Dela natural energy – DNE“ d.o.o. Kakanj, GTUD „DEELA“ d.o.o. Kakanj, dostavili izjavu da njihova ponuda potpada pod odredbe o primjeni preferencijalnog tretmana domaćeg, jer najmanje 50 % ponuđenih roba za izvršenje ugovora je porijeklom iz Bosne i Hercegovine, odnosno najmanje 50% radne snage za izvršenje ugovora su rezidenti Bosne i Hercegovine, te se ponude ovih Ponuđača umanjuju za preferencijalni faktor od 15% u odnosu na Ponuđača „Beta - company“ d.o.o. Kakanj, koji nije dostavio posebnu izjavu da potpada pod odredbe o preferencijalnom tretmanu domaćeg.

Preferencijalni tretman domaćeg se primjenjuje samo u svrhu poređenja ponuda prilikom ocjene u skladu sa članom 65. Zakona, članom 1. tačka a) i b) Odluke o obaveznoj primjeni preferencijalnog tretmana domaćeg.

Polazeći od gore navedenih konstatacija i činjenice da sve ponude u pravnom, tehničkom i ekonomskom smislu ispunjavaju zahtjeve ugovornog organa, o obaveznoj primjeni preferencijalnog tretmana domaćeg, Komisija je vrednovala prihvatljive ponuda shodno utvrđenom kriteriju: "**najniža cijena**" te je rang lista prihvatljivih ponuda ponuđača slijedeća:

r/b	Ponuđač	Cijena ponude bez PDV-a
1	„Beta - company“ d.o.o. Kakanj	17.200,00 KM
2	„Dela natural energy – DNE“ d.o.o. Kakanj	17.527,00 KM
3	GTUD „DEELA“ d.o.o. Kakanj	17.913,75 KM
4	„Trgošped“ d.o.o Kakanj	18.683,00 KM

Naime, u postupku je ocijenjeno da je Komisija u svemu pravilno postupila te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da izabrani ponuđač je najbolje ocijenjen zbog ispunjavanja traženih uslova iz tenderske dokumentacije, primjenjujući kriterij najniže cijene, da je ponuđena cijena za nabavku roba - rad mehanizacije i nabavka materijala za uređenje korita i poduzimanje palijativnih mjera na klizištima, ponuđača „Beta - company“ d.o.o. Kakanj, u iznosu od 17.200,00 KM bez PDV-a.



Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke, u skladu sa članom 99. i 101. stav 5., Zakona o javnim nabavkama BiH.

DOSTAVITI:

1. Svim ponuđačima u postupku nabavke
2. Komisiji za javne nabavke
3. A/a



OPĆINSKI NAČELNIK

Nermin Mandra